



ГИЖИССЕЗ ДА БИБЛИОТЕКАРРЕЗ -



ГАЙНСКОЙ РАЙОНЛӨН СЕРГЕЕВСКОЙ ШКОЛАЫН

3 листбок
вылын

ЫДЖЫТ ВЕЖАЛУН ЧУЛАЛІС ГАЖӨН

Октябрь даснелөт лунө Кочёва-ын культура понда керкуын өксисө уна отир, мед порйөтны районлісь ыджыт нимлун – 85 (кыкъямысдас вит) во. Татөн сьылісө да йөктисө фольклорной да йөктан чукөррез. А сы одзын ыджыт экран вылын мыччалісө кино Кочёвской районлөн одза да өннә олан йылісь. Ошкисө одза кадсө. Сәк паськыта зорамисө сельской хозяйство, лесной промышленность. И өні районис уна мый босьтө эта кадись.

Кыдз висьталіс культура керкуөн юралісь Вера Мелехина, шоччисьны сьлө эта лунө вөлі некөр, нельки сөйны эз ешты: коліс и сьыліссезсө туйдөтны, и аслыс сьывны да йөктыны. А эшө видзөтны, быдөс ли керсьө сідз, кыдз вөлі планируйтөм. Эд колө, мед гленитчис отирлө. Культура уджаліссезлөн стараннөзз лоисө не весь. Көч посад эта лунө гажөтчис одз асывсьянь сөр рьтөдз.



КУДЫМКАРЫН ПРИМИТӨНЫ ВИЛЬ ПРОГРАММА



А керөм эта документис сь понда, мед карыс вөлі сөстөм, мед улицааз кузя нюжалісө тротуаррез, мед лоисө бур туйез, ва локтис керкузөдз.

Быдөс ни лыддьөм, мымда колө сьөм. Программа планируйтөм пыртны оланө нель во сьөрна: 2012 – 2015 возз. Карыс администрациян висьталісө, что документис лоас осьта быд мортлө, кин көсьяс төдны, кытчө видзсьө сьөм.

ОКРУГИСЬ БЫД ПОЧТОВОЙ ОТДЕЛЕННӨЫН

ПОДПИСКА 2012

Мед чужан кыв вылын газета лоас
тиян ёртөн

НИМЛУНӨН ПІЭНӨ,

ДОНА МОРИ!

АННА АЛЕКСЕЕВНА ХАРИНАӨС,

ВЕРХНЬОЙ СТАРИЦА ПОСЁЛОКИСЬ,
ПОЗДРАВЛЯТӨНЫ ГӨГРОСА НИМЛУНӨН.

Көсьям здоровье, уна шондіа луннэз. Керкуын, семьяын – гаж, шуд да тырдоз. Мед оланыс козьналіс мича луннэз, сөстөм сьөлөма ёрттэзсө.

Пым сьөлөмсьянь, сой, вон,
племянниккез.

ВИДЗЧИСЯМ ВИЛЬ ПОЗДРАВЛЕННӨЭЗ.
БЫДЫС НЫ КОЛАСИСЬ АДЗЗАС МЕСТА МИЯН
ГАЗЕТАЫН МЕДОДЗ ЛИСТБОК ВЫЛЫН!

россияись пörись пуэзлөн реестрö

ОЛЬОНА-ПОЖУМ

Кочёвской районись Хазова деревняын быдмö пожум. Каталоггезись сийö туйö адззыны «сосна обыкновенная» ним увтын. Но и мый? – юаласö лыддьöтисез да содтасö, сэтшöм пожум-мес пö быдмöны омөн миян гөгöрын. А вот сэтшöмöсь да не нач сэтшöмöсь.

Вера Мелехина.

Хазова деревняис пожумыслөн эм ним – Ольона-пожум. Годдэз сьлö – кык сё (200) гөгöр, вылынаис – кык-дас вит метр гөгöр, а кызанас – нель метр кыкдас вит сантиметр. Быдмö сия деревняис дорын. Мый понда быдöс этö сы йылись тöдöмась? Да



Дерявняын олисез шубны пусö «Ольона-пожумён».

сы понда, мед пыртны пожумсö Россияись пörись пуэзлөн реестрö. И пыртöмась эд. «Деревья – памятники живой природы» нима Всероссийской программалөн сертификационной комиссия 2011 волөн июль 21 лунö шедöтöма Ольона-пожумсö Россияись уна воа пуэзлөн реестрö, этö лоö, мый сия лоас государстволөн дозор увтын. А корöма пуыс понда Коч посадишь шөрöт школаись география предмет сёрти велöтись **Валентина Васильевна Кучевасова**.

Деревняын олисè отир шубны пусö Ольона-пожумён. Эм пö нельки легенда, кытөн баитсö Ольон нима нывкалөн зонка дынö радейтöм йылись, и кöда матына йитсö пожумыскöт.

Көркö эта местын быдмöма пожума вөр. Деревняис пондöма паськавны и вöрыс пондöма керассыйны. Мөдöмась керавны и касётм пожумсö, но Ольон абу сетöма керавны сийö. Сидз пуыс и кольчöма нывкаис семьялөн карчйөрö. Миян кадöз Ольоныс эз вермы овны, и карчйöрыслөн местаис оз ни тöдчы, а вот нывкаис нима пуыс öнöдз ловья. Тшöка эта местын деревняын олисез чулöтлöмась вежалуннээ, вермасяннээ «деревня деревня вылö», пожум увт вöлөм томмезлөн радейтана пантасьöммез понда пельöсөн. Исследователлез керöмась сэтшöм петанин, мый миян пельöссезын абу лöсъялöма пö сетавны природной объекттэзлö иньказлишь ниммез, а вот Ольона-пожумыс ним понда öтласа правилоис невна петöмась, öддьөн ни тыдалö донабн вöлöма сия отир понда.

Ольона-пожум пуыс – дыр олисè, сьлөн эм ним, сия лоö деревнялөн басöкинөн, отир ёна дозоритöны асиныс пörись ёртнысö. Лесник-кез баитöны, мый сэтшöм пуэз пантасьлöны миян вөррезын öддьөн шоча. Но эд кадус чулалö, пуыс сёжö пörисьмö, öти-мөди местаэзын пондöтчöма сисьмыны, и кызд гижö Валентина Васильевна, колö пö босьтны сийö дозор увтö, сьлö колö отсöт, мед олансö керны кузьжыкөн.

Думайтсö, мый эта йылись кö пондисö тöдны нельки Москваын, то Хазоваын олисез натътö эшö буржыка пондасö радейтны Ольона-пожумысö, и сия вештисьяс нылö бурөн – көр колас сайöвтас кöдыт төвсьян, а көр и пым шондилөн юбөррезьянь аслас вуджөрөн ыркөтас.



Лесниккез баитöны: «Ольона-пожум кодь пуэз миян вөррезын пантасьлöны öддьөн шоча».

«ЗАВЕЩАНИЕ ПРЕДКОВ» КОНКУРСЛӨН ПОБЕДИТЕЛЛЕЗ

«Завещание предков» финно-угорской отир коласын выставка-конкурс чулалис сизимöт пыр. Тысячася унажык удж ыстисö дасвит регионись. Ны коласын вöлисö уджез Коми-Пермяцкой округись том кужисезлөн. Квэтя пырисö медбур удж коласö. Сидз, номинацияын «ДЕКОРАТИВНО-ПРИКЛАДНОЕ ИСКУССТВО» медодз местаэз босьтисö **Анна Ермакова, Наталья Галкина** (Кудымкарской челядь искусствозлөн школаись, велöтись **Г.А.Казанцева**); **Мария Тотьянина** (Юсьвинской челядь искусствозлөн школаись, велöтись **С.И.Зубов**). Номинацияын «ГРАФИКА» мөдöз места босьтисö **Дария Бельтюкова** (Кочёвской челядь искусствозлөн школаись, велöтись **О.В.Афанасьева**); номинацияын «НАРОДНЫЙ КОСТЮМ» – **Елизавета Истомина** (Кувинской шөрöт школа, велöтись **Е.Н.Мелентьева**). Эта жö номинацияын куимöt места сетисö **Эльмезди Лилиялö** (Кудымкарской челядь искусствозлөн школаись, велöтись **Г.А.Казанцева**).
Округлөн удж сёрти **Министерствоись специалисттэз поздравляйтöны Пармались том мастеррезöс ыджыт победаён, кöсийöны одзланья успехез.**

Елена УТРОБИНА.

деревня - менам горт

ДЕРЕВНЯ, ТЭ ЛОВЬЯ

Миян деревняис вöли, кызд учотик лаборатория. Сыын быд морт вöли колана. Сия не только уджалис, быдтис челядь а сиджö нуис определённой удж, көдö кужис керны только сия. Йöзыс баитисö: «Тиян быд куимöt мортлö Еныс сетом кужом – лоны тöдисён». Натътö, сидз и вöли.

Тамара Ососова.

Некокнит оланын быд-кодь тöдöммез колисö пыр.



Одзжык баняын веськөтисö быд шөгöт: матегасисö, вомидз чөвтисö.

Отир вöли вежөра и лэчит сина, уна кужом босьтис природались, кылис сийö, олис ськöt тшöтш, донтис, дорис да радейтис сийö. Деревняын олисез эз надейтчö больницаис веськötись вылö, мый кужисö керисö асьныс. Уна шөгöттээ веськötисö баняын: кымалом, гөг вөрзётөм, мышца вөрзётөм. Сэтчин жö шөгмötисö кага, петкötисö учот увья кочерга, чөвтисö вомидз учот пились.

Көркö баняэс вöлисö сьдöсö (тшын петис стенаын осьтаись), крыша сэтшöм, кызд öнняя песвидзанинын.

Быис эз вöv, и югытсö видзис стенаö пешалом сартас.

Көрбаняын пывсьöтисö учот кага, руша ваон гывйштом бöрын пывсьöтись кага юр вылö ас гырда понот кистыштис ва, шувлис: «Вдоль расти, поперөг толсти. Как с гуся вода, так и с тебя худоба. Сон да угомон». Кöда ваис көшас кольчывлис, койышлисö иззээ вылö. Этадз öнöдз керöны пörись баббез. Матегасыны, чөвтны вомидз кужис быд инька. Баняын юр миссьöтисö куваён.

Шөгöттэзьянь юисö веськötчан турунээ. Дойдöм местаö домавлисö туйдортурунлисö лист. Ыд-жыт орсьялөм дойманнээ веськötлисö ньöдзвив виөн (öктасö стекланной банкаö ньöдзвивез да сьлötасö нийö шонди вылын, лоас лекарство – рочөн кö шуны – тканевый препарат, фракция №1). Эта лекарствоис öддьөн дука, вот сийөн дзодзог бордокөн и мавтисö доймансö. Доймөм места веськавлис перыта.

Кага чужтыны миян деревняын отсалис гогбаба Онись (Иван Митрейка). Сэтшöмсö керлис пörисьжык баба – Назар Анна (Пономарёва Анна Александровна). Сьлөн вöли эшö толк матегалөмөн сувтöтны ас местаö вөрзөм суставвез, мышцаээ. Сийö лыддисö и ко-

скаэз лөсьöтисьөн.

А Яковика Опрош (Ефросинья) аслас кьлөн вермис синнээс кыскыны быд-кодь ёг, нельки көрт торок. Вöли миян асланым фотограф – Лель Васька, вöли сия и бур вöралисьөн, художник-оформительён. Деревня конечын олис кузнец, Иван Митрей. Шуисö отир: «Сьлөн киэс золотойсь, быд торсö кужом дорны». Отир коласын вöли и велötись, Фрол Егорович. Яков увтырись олисез менам дөдö – Яков Гаврил, сьлөн зон, менам ай – Гаврил Ваня, Максим, Васька, сьлөн нучок Федот, Миков, Яковика Опрошлөн Зон – Егор – удж бөрти, и праздник-кез коста сьёлөмсьян гажötисö деревнясö гармонья орсöмөн.

Отирлөн выныс вöли веритöмын эта оланö обряддээ пьрийт. Кötь и олисö ськытакодь, пыр сьылисö. Ны пытшкын вöли чудо (Дух), көдөн ния кужисö пользуйтчыны. А эшö ния öддьөн радейтисö ассиныс челядь и одз, аскадö туйдötисö нийö öтласа гортся удж дорö. Миян деревняын олисö дружной отир. Горе и гаж вöли öтласа.

Чулалис кад. Ми, челядьыс, быдмимö, лоим не умöль морттээзөн, но не быдöс көркөся обряддэсö соблюдайтам миян оланын. Жагöникөн öшö көркөся кужом, кусö



Иван Митрей кузнец йылись шувлисö: «Сьлөн киэс золотойсь».

вир, дугдём донтны ассиным увтыр, асьнымос, пондём дышöтчыны, природалөн мич кусö. Лоим чорыт сьёлөмабсь сы дынö, мый керсьö миян гөгöр. Мый жö мийö видзчисьям? Көр природаяс миянсö буржыка трекнитас?

михаил павлович лихачёвлөн 110 во кеж

ГИЖИССЕЗ ДА БИБЛИОТЕКАРРЕЗ - ГАЙНСКОЙ РАЙОНЛӨН СЕРГЕЕВСКОЙ ШКОЛАЫН

Сергеевской посадодз Кудымкарсянь туйыс кузь, но бур-машина мунё кокнита, не лыддыны кызд Кочёвасянь Пельмодз туйлись тор: тат мунтон асфальт йылись вунотан: машинаыс дугдывтөг «гөппез лыддьё». Но и сё жё, не дыр кеж. А Сергеевской кузя мунан, кызд ва вылот пыжын уян, сэтшом волькыт.

Елена Коньшина.

Гайнскöй районлөн Сергеевскöй школаö «Лихачёвскöй библиобус» вайотис гижиссезöс Кочёвскöй районись. Пантасьом шогмис шонит. Гижиссез висьтасисö асланыс творчество йылись, а челядь висьтасисö нылись кывбуррез. Сэсся корисö кольны кырымпассез, только не небөггез вылын (абу эшö адззыломась), а М.П.Лихачёв

йылись кером памятказз вылын. Эстон колö висьтавыны сы йылись, что Вера Мелехиналөн небөг петис светö годся унажык вотодз ни. Кытонось но коми-пермяцкöй гижиссезлөн



Челядь висьтасьоны гёссезлись кывбуррез

книгазз: не школаззын, не библиотеказзын абуось? Звонити Коми-Пермяцкöй этнокультурнöй центрö книжнöй издательствоö. Татись юрались Л. А.Никитина

висьталис, что чожа книгазз лоасö ни округлөн школаззын да библиотеказзын. Пермскöй крайлөн агентствоын, кода по курируйтö этö вопроссö, лэдзёмась ни колана документ.

Мый вöли эшö асыямаыс пантасьомын, этö сия, что М.П.Лихачёв нима библиотекаись специалисттэз мыччалисö челядьлö да велотиссезлö кино асланыс библиотека йылись. А керсьö эта сы понда, мед юörtны, что округлөн **ыджыт библиотекалөн таво тöдчана нимлун: сылö, кызд и Михаил**



Вера Мелехина тöдсöтö аслас творчествокот

Павловичлö, тырö 110 год. Сёрнитикö, библиотекаррез - Н.И.Моисеева да И.М.Гусева шонита шыасисö кык школа йылись, кодна медбура кольчёмась тöдвылын - этö **Архангельскöй школа** (Юсьвинскöй район) да **Чазёвскöй школа** (Косинскöй

район). Чадзёвас по коми-пермяцкöй гижиссезсö гоститöмась чöскыт тупössезөн, а Архангельскас гössезсö панталомась няньсолөн.

Фотографиязз авторлөн.

автомобилисттэзлөн вежалун

МЕД ИЗЗЭС ТАРЛАСИСÖ ТУЙ БОКЫН

Этö одзжык сідз вöли: мияниссез магазинас такси вылас озö ветлö. А öнi сэтöн тöдтöмыс нем ни абу. Такси лоис карлөн торөн. Кинкö тэрмасьö асывнас мунны уджö аскадö, кинлökö колö нöбötны пöрись бабöс семик коста шойна вылö, кинкö кольччис автобусь сьöрись, овлö, мукöдлö ковсьö нöбötны гортöдззас магазинись босьтöм ыджыт тор. Уна кин ас вылас оз надейтчы рытса гулянка бёрсянь адззыны горт ыбöс. Мороззз да эррез-таксисттэзлөн ыджыт ёрттэз, сэк отир корсьоны тшöкажык.

Светлана Попова.

Талун Кудымкарын эттшöм услуга сетиссез лыд сьöртi локтöны ни дасöдз. Медодззаяс пондöтис уджавны 2003 годся августö. Öнi сия шусьö «Отласа такси служба» нимөн и уджалö нёл телефоннöй номер вылын. Таксопаркыс ыджыт, тырмö новйöтны пассажирресö не только асланым город пытшкын, округын да крайын, но и Россия пасьта. Таксисттэз ветлöны Москваöдз, Кировöдз, Ижевскöдз - мунасö коть кытчö, мед вайöтны мортсö горт ворота одзöдз. Павел, «Отласа такси служба» администратор, висьтасьö: «Машиназз уджалöны дасся не етшажык ой и лун, кык сё (200) гөгöр вызов примитö диспетчерскöй служба. Талун сия уджалö компьютер сайын, эм программа, кода гижö быд звонок, вермö öтлабтны телефон сьöртi не öтик шофёркöt».

Диспетчерез Надежда Кудымова, Виктория Фридрих да Ольга Швецова радейтöны асыныс удж. Натьтö, ния медодз пондöтны керны асланыс такси службалö репутация. «Отырыс быдкодь пантасьлö, старайтчам отсавны коть кинлö. Абу ко машиназз, огö бöбötö, висьталам, а кör и иньдöтам модик службазз телефоннээ дын. Öтлабтам, гижам быд вызов, кин, кытчö, мый дырна, кытшöм звонок сьöртi мунö. Бур, что öнi эм специальнöй программа», - байтö



Диспетчер Ольга Швецова.

Ольга Ивановна.

Диспетчер пыр, кызд кык би коласын: и водителлезкöt, и пассажиррезкöt лöсьявыны колö. Ойнас шоччисян луннээ паньитö - таксисттэз понда дзырыт кадыс, сэк сьöкытжык овлö. «Эта уджын велалi морттэскöt мöднёжа сёрнитны, мед петис примитны «кызныралöмсö» и öттэслис, и мöддэслис, - шыннялö Ольга Ивановна. - Пассажиррез корöны локны ны дынö эта жö минутаö, машина «доддялиссез» тэрмасьоны, но быдыс дын озö кör ештö, морттэз жö эд. Конечно, олан вылö дзар öддьөн вежис. Велалi примитны морттэсö, кытшöмось ния эмось, вунöтны, кör видасö, висьталасö мыйкö умöльö».

Неыджыт жырын, кытөн таксисттэз видзчисьöны вызов, сöстöм, шонит, менö нельки юкталисö чайён, пирөгтезён вердисö. Эта службаын уджалöны вежöра, опытнöй водителлез. Уджыс лöсьялöм ни, кыкьямыс годён уна мый вежис. Медодзза месяцезö вöвлисö луннас кык вызовөн, а öнi только ешты туйдöтны такси «доддялиссесö». Уна клиенттэз, кодна лыддьöны этö службасö асланысöн. Быд год чулётсьöны конкурссэз «Медбур водителль» да «Медбур диспетчер». Бöрйöны победителлесö уджын результаттэз сьöртi да сы сьöртi, кызд клиенттэз ошкасö.

«А кызд машиназслөн техническöй обслуживаннө, ремонт?», - юася Павеллись. «Быдыс уджалö аслас маши-



Константин Попов, Николай Леонтьев, Юрий Полуянов.

ны мунны год вылас кыкыс. Медыджыт проблемаыс сыын, что быд мортлö ковсяс сувтны налоговой инспекцияö учёт вылö предпринимательөн. «Татөн уджалöны морттэз, кодна озö полö сьöкытись, радейтöны удж, эмось сэтшöммез, кодна уджалöны не öтик местын. Вермас петны сідз, что совместителлес мунасö», - невна тöждö Павел.

Медöдддьөн эта уджын оз радейтö коддэсö. Менам синнээ вылын локтис вызов вывсянь таксист, шуö, код мужик по валяйтчö, нятьöсь и нятьöсь, асьсö оз вежöрт, и корсь пуксьыны «таксиö». «Бергötчи да мунi», - и быдöнныс, киннээ вöлисö эта басни дыр, сідз жö бы керисö. Пантасьлöны сэтшöм морттэз, кодна норовитöны не вештыны денга, вермасö горötчыны нёштöма.

«А унажыксьö миян карын морттэс бурöсь», - байтö Александр Владимирович Петров. Сия дыр уджалис пожарной охранны, сэсся локтис татчö. Шуö, гортын гажтöм пукавыны весь. Ачыс Кочёвскöй районись, эмось кык челядь. Шуö ассис уджсö öддьөн интереснöйөн. «Уна деревнязз адззыли, тöдсаси уна морттэзкöt.

Миян кодьöсь жö, олöны, асланыс киззөн керöны асыныс шуд. Но быд мортын сымда дзебöм! Видзötан: морт, кызд морт, а пондötан сёрнитны - сылөн пытшкас сы ыжда мир, космосся ыджытжык».

Вот эттшöм служба, кода миян ныр увтö ассис «шерволесö» любой минутаö сувтотас. Вежалун кежö көсьям нылö шуд, мед туйез вöлисö волькытöсь, морттэс денгаадсь, иззэс тарласисö бокин, гортиссез вежöртисö и радейтисö. Ась эта удж, кода отсалö унажыксьö нылö, кин ассис кадсö донтö, путшалö, отсалö миян карлö быдыны да дзоридзасьны.

Фотографиязз авторлөн.

К Ö В Д Ö М Ö К



ДОНА ЧЕЛЯДЬ!

Корам тiянöс участвуйтны газеталöн конкурсын. Сылöн ним «Зарань». Гижö да ыстö мянлö сказказ.

*Майбурова Татьяна (9 класс)
Белоевской школа.*

КЫДЗ ГУСЯЛISÖ AP (сказка)

Медбöрья лун гожумлөн. Гожум лöсьöтчö мунны мöдик странаö, а чтоб сылö эз вöв гажтöм, сiя сьöрас босьтiс кайезöс. Гожум мунiс ни, сы бöрсянь чулалiс неделя, а арыс абу и абу.



Шондi öшис, öтöрын погоддя сувтiс, турун сьöдöтiс, листтэз лоисö чочкомöсь, а небоыс лöз – сьöд рöмөн лоис. Быдöс олисез öшисö ладсис. Кöчлö локтöм письмо ведьмасынь. Вот мый сiя гижö: «Арыс ме дын, ме сiйö тiянлö ог сет, ме сiйö дзеби öддьöн и öддьöн ылö. Сiя горзö тiян понда, но ме сiйö ог жалейт. Оз меным гленитчы эта арыс, сiдз кызд быдöс лöб басöкөн, а ме басöкöс ог любит. Ха-ха-ха сiдз тiянлö и колö, олö öни

артöг». А конверт бöрын гижöм: «Погоддя вежсис сiйöн, сiдз кызд ме колдуйтi быдöс и шондiсö гусяли». Вöрись олисез горзöны ар понда. Ны дынö локтiс ош и висьталiс, что сiдз нiя оз вермö овны, что колö кошшыны арсö, адззыны коть кызд. Руч дынын вöли волшебнöй тшакыль (тшакыльсö пö сетöма баба Яга). Руч висьталiс, тшакыль вайöтiс нiйö ар дынö, и лэдзис сiйö. Тшакыль тарöвтчис, тарöвтчис и сувтiс болото дынö. Олисез кошшисö арсö, но эзö адззö. Кай-оккез лэбалiсö пуэз дынын и казалисö гижöт торок, кытөн гижöм: «Кутат менö - сета ме тiянлö арсö». Но мый керан, колö кутны ведьмасö.



Тшакыль ловзисис, висьталiс, что сiя быдöс тöдö. Сiя шушкис нылö, ведьма пышшöма ыджыт пу пытшкö, а ыджыт пуыс вöли неылын. Локтiсö нiя ыджыт пу дынö и кутiсö ведьмасö. Ведьма висьталiс: «Лэдз менö и ме лэдза арсö, и мешайтны тiянлö ог понды». Олисез жалейтiсö ведьмаöс и лэдзисö, но и ведьма лэдзис арсö и шондiсö. Локтiс арыс, и быдöс вежöтiс, гөрдöтiс, погоддя лоис öддьöн бур. Вöрись олисез öддьöн мыдзисö гожумбытөн, нiя водiсö узыны. Ведьма вöли лөгөн, эз любит арсö, но ськöt мыйкö лоис, и сiя лоис мöдикөн – феяөн. Фея мунiс аслас роднöй странаö, кытөн олис одзжык. Адззис аслыс принцöс. Сы бöрсянь нылөн вöли свадьба и нiя олисö бура, и öддьöн дыр.



РЕПЕРТУАР НОЯБРЬ ВЫЛÖ

9.11.2011 -
ГУЗИ ДА МЕЗИ
19.00

Эксцентрической комедия. (Коми-пермяцкой фольклор сьöртi, öктiс **Василий Климов**, лöсьöтiс **Анатолий Радостев**). Кыссьö öтик час дас минута.

24.11.2011 -
тöдчана артистлөн **Николай Крохалевлөн** юбилейнöй рыт.
19.00

**ГОГОЛЬ.
ГÖТРАСЬÖМ**
(Женидьба).

Коми-пермяцкой кыв вылын комедия. Кыссьö кык час дас минута.

Быдöс висьталасö
телефоннэзöт:
4-16-40, 89027919716.


КОМИ-ПЕРМЯЦКОЙ КЫВ ВЫЛЫН СПЕКТАКЛЕЗ

МИЯН ЫДЬÖTISSEZLÖN ТВОРЧЕСТВО

*Л.А. Субботина,
с. Ленинск*

АРСАЗЭР

*Асывсынь руд кымöр кöдзö поснит зэр.
Пон конураын узьö, кань песвидзанын мурзьö,
Туй югыялö, дзик асфальт ольсалöм.
Шылльö авто, нятьöн вевттисьöм,
Сэсся «шы не тöв», только мунö вöв,*



*Синнэсö куньöм, юрсö мышкыртöм.
Пронич Петя öтöрö петöм чом бокын сунасьö.
Мый сiя вöтасьö?*

Примечаннö: шуöны, что вöлыс шоччисьö и узьö дуга увтын. Сiйөн кывбурын вöлыс мунö синнэсö куньöмөн.

ПУКСЬЫ ДА ВАКСЬЫ

*Зоя Коневских, д. Кузьва.
(Кудымкарской район).*



А КОЗЁЛЫС УМНÖЙ ВÖЛÖМ

Миян деревнянын олö Клава нима инька. Быд керкуын натьтö эм учöтик да хозяйство. Вот и Клава сэтшöм жö хозяйственнöй, видзö «деревяннöй» пода (мöднөжа шуны - козаэз), да и кинöс эшö туйö видзны, ежели годоккес эмöсь. Этö подасö оз ков пастучитны, лунтыр ветлötöны мало – дело, да эд сөйöны тоkö пиньйовоккезны: öктöны лекарственнöй турунок пöлöс да мый. Сө жö не небны магазинись, видзötан рытнас, аслат йöлок. Кылас Клава, что деревняс мöдöны чулötны ярмарка. Думайтас - керас ас көттяс, Клава, ноко пö ме козёлöс Ванясы нöбöта вузавны ярмарка вылас, а то не öтик ни норасисö, что люкалöм козёлыс отирöс деревнясис, да и асьсö тожö бöрсяняс забгылöм, чуть, шуö, косöс эз чөгöt, нельки синнэзись би чечöвтöм. Мöдöма начкывны, дак эд деревняс, медбы этö уджöс керны, колö помеч öктыны, да не öтик «поштоп» курыт тор видзны. Да ме, шуö, тэнö - окояннöйöс, сiдз сета чужеземецезлö, ёна гөнйатлöны деревняс, поди пö кыласö ярмар-



ка йылись да и локтасö.

Вот и лунись лун чулалöны, сө матынжык локтö ярмарка. Асылөн, кызд и пыр, лэдзалöм öтöрö страм подасö Клава, ась пö öктыштас эшö баранö Ванясы гөсоксö рытöдз. Но козёлыс тожö умнöй вöлöм: кылöм, кызд и морт ловнас чувствуйтö, что мöдöны сiйö яйö пöртны. Кутас да и гортас оз и лок. Мöд козаэс локтöмась, а Ванясы кытчö и лöм. Мый керны: кадыс пемдан дор ни. Клава мунас кошшисьны деревняö: нөлись кытшöвтöм уличазсö, некытись абу адззöм. Ойбыт юрсö жугдöм, мый пö ашын нöбöта ярмарка вы-

лас? Асывнас öктыштöм öтi мöдi вузалан тороккесö да и лэдзчöм ярмарка вылö. Отырыс юалöны? – «Но, Клава, а кытөн нö козёл Ванясы? Мыля эн лэдзчöt? - Да, кытшöм ни лэдзчötöм, ме ойбыт эг узь. Сiя эд, видно, чувствуйтiс, что мöдöны яйö керны, сiйөн эз и лок гортö, заразасы». Рытнас Клава локтö гортас ярмарка вывсынь, а козёлыс панталö ни, поди пö няньöн вердыштас.

*Аркадий Мошегов,
с. Пешнигорт*

АНЕКДОТ

- Мыля нывказз петöны жöник сайö?
- Етшаöv оланын опыт.
- А мыля нiя янсöтчöны?
- Оз тырмы терпеннө.
- А мыля нiя бöр петöны жöник сайö?
- Дженит память.